

## ভাঙড়ে আঞ্চলিক বিদ্যুৎ কেন্দ্র নির্মান সম্পর্কিত সভার কার্য-বিবরণি :

তারিখ : ০৭-০৮-২০১৮ (মঙ্গলবার)

সময় : দুপুর ১২:৩০

স্থান : বেসমেন্ট কনফারেন্স হল, নব প্রশাসনিক ভবন, দক্ষিণ ২৪ পরগণা, জেলা শাসকের কার্য্যালয়, আলিপুর

উপস্থিতি : তালিকা সংজোয়িত করা হল।

### ভাঙড়ে আঞ্চলিক বিদ্যুৎ কেন্দ্র নির্মান ও সংশ্লিষ্ট কার্য্যাবলী পুনরাবৃত্তের জন্য আলোচিত বিষয় সমূহ :-

- ক) পরিবর্তিত প্রকল্প পরিকল্পনায় প্রযুক্তিগত বিষয় সমূহ।
- খ) বিভিন্ন ক্ষতিপূরণ সংক্রান্ত বিষয় সমূহ।
- গ) আলোকনের সাথে জড়িত বিভিন্ন ফৌজদারী মামলা ও তার প্রত্যাহার।
- ঘ) স্থানীয় উন্নয়ন ও কল্যান পরিকল্পনা।
- ঙ) সাব-স্টেশনের সংলগ্ন এলাকায় বসবাস ও অপরাপর কার্য্যাবলী।

### ক) পরিবর্তিত প্রকল্প পরিকল্পনায় প্রযুক্তিগত বিষয় সমূহ

১) পরিমার্জিত পরিকল্পনায় পি.জি.সি.আই.এল. এর ২ টি ৪০০ kV বিদ্যুৎ সংবহন লাইন এবং WBSETCL - এর ২ টি ২২০ kV বিদ্যুৎ সংবহন লাইনের প্রস্তাব করা হয়েছে। এরমধ্যে দক্ষিণ ২৪ পরগণা জেলায় ১ টি লাইন হবে ভুগর্ভস্থ এবং ১ টি লাইন ভূমির উপরে ইতিমধ্যে নির্মিত। ভূমির উপরে স্থিত সরবরাহ লাইনটির জন্য সাব স্টেশনের ৩০০ মিটারের মধ্যে একটি নির্মিত টাওয়ারের পরিবর্তে আরও বড় একটি টাওয়ার বসাতে হবে। অর্থাৎ এটি গ্রাড নয়, কেবলমাত্র একটি আঞ্চলিক সাব-স্টেশন হিসেবে তৈরী হবে।

২) দুটি লাইনের মধ্যে দূরত্ব, তার থেকে ভূমি বা কোন স্থায়ী কাঠামোর দূরত্ব ইত্যাদি ভারতীয় বিদ্যুৎ আইন মেনে স্থির করা হবে। যেসব ক্ষেত্রে এই দূরত্ব একান্তই মেনে চলা সম্ভব হবে না সক্ষেত্রে যৌথ তদন্তের ভিত্তিতে ইঙ্গলেশন টেপ বা অন্যান্য প্রযুক্তিগত সমাধানের প্রয়োজনীয় ব্যবস্থা গ্রহণ করা হবে।

৩) কমিটির পক্ষ থেকে বর্তমান পরিকল্পিত লিলো (LILO) লাইনটি স্থানান্তর করণের প্রস্তাব রাখা হয়। পি.জি.সি.আই.এল. এর বিশেষজ্ঞদের মতামত বিশ্লেষনের পর প্রশাসনিক ভাবে জানানো হয় যে প্রযুক্তিগত ও বাস্তবতার কারণে লাইনটি অবিকৃত রাখতে হবে।

৪) পাওয়ার গ্রীড সংশ্লিষ্ট যন্ত্রাংশের পরিবর্তে সাব-স্টেশনের জন্য প্রয়োজনীয় যন্ত্রাংশ রাখা হবে।

#### খ) বিভিন্ন ক্ষতিপূরণ সংক্রান্ত বিষয় সমূহ

১) কমিটির পক্ষ থেকে সাব-স্টেশনের মধ্যবর্তী স্থানের জমির ক্ষতিপূরণ ঘারা এখনও পান নি, টাওয়ার বসানোর জায়গা, সংবহনকারী তারের নিচের জায়গা, আন্দোলনরত অবস্থায় মৃত বা আহত ব্যক্তি, আন্দোলনের সাথে যুক্ত অন্যান্য ক্ষতিগ্রস্ত পরিবার এবং খামারাহিট গ্রামবাসীদের জন্য বিশেষ ক্ষতিপূরণের দাবী করা হয়। ক্ষতিগ্রস্ত পরিবারগুলির কথা বিবেচনায় রেখে সরকারি নিয়মানুযায়ী ক্ষতিপূরণ ও অন্যান্য ক্ষতিপূরণ দেওয়ার সিদ্ধান্ত গৃহীত হয়।

২) ই.এম.এফ নিয়ে আলোচনার শেষে ঠিক হয় উভয় পক্ষের বিশেষজ্ঞরা যৌথভাবে বিশেষ কিট এনে ই.এম.এফ মাপবেন। যদি সমস্যা দেখা দেয় সক্ষেত্রে তা সমাধানের জন্য প্রিকমত্যের ভিত্তিতে উপযুক্ত পদক্ষেপ নেওয়া হবে।

### গ) আন্দোলনের সাথে জড়িত বিভিন্ন ফৌজদারী মামলা ও তার প্রত্যাহার

আঞ্চলিক সাব-স্টেশন তৈরীর প্রক্রিয়া শুরু হওয়ার সাথে সাথে আদালতের নিয়ন্ত্রণাধীন ফৌজদারী মামলার ক্ষেত্রে আদালতের অনুমতি সাপেক্ষে এবং পুলিশ নিয়ন্ত্রণাধীন কেসের ক্ষেত্রে নভেম্বর ২০১৬ থেকে আজ অবধি পাওয়ার গ্রীড বিরোধী আন্দোলনকারীদের বিরুদ্ধে সরকার নিদিষ্ট আইনি প্রক্রিয়ার মাধ্যমে মামলা প্রত্যাহারের উদ্যোগ নেবেন। প্রকল্পের ক্ষতিগ্রস্ত ব্যক্তিগণ বা তাদের সমব্যক্তিদের উপর আক্রমনকারী ব্যক্তিগণের বিরুদ্ধে পুলিশ যথাযথ ব্যবস্থা গ্রহণ করবে।

### ঘ) স্থানীয় উন্নয়ন ও কল্যান পরিকল্পনা

১) গ্রামবাসিদের পক্ষ থেকে আন্দোলনরত অবস্থায় মৃত তিনি ব্যক্তির মৃত্যু শংসাপত্র, থানায় আটক বিভিন্ন ধরণের যানকে নিদিষ্ট নিয়মে ছাড়ার ব্যবস্থা করা, বকুলতলার মিদ্যা পাড়া, মাছিভাঙ্গা গ্রামের রাস্তাটি জেলা পরিষদের নিয়ন্ত্রণের কাজের প্রতি দৃষ্টি আকর্ষন, টিপচিপার প্রাথমিক স্বাস্থ্যকেন্দ্রের উন্নীতকরণ, বিদ্যুৎ ট্রাঙ্কফর্মারের উন্নীতকরণ, জল জমার সমস্যা, বিদ্যাধরী খাল সংস্কার বা মজে যাওয়া খালের সংস্কার, হিমঘর নির্মান ও বিভিন্ন স্থানীয় উন্নয়নমূলক কাজের দাবী রাখা হয়।

২) মাননীয় জেলা শাসক, দক্ষিণ ২৪ পরগণা উন্নয়নের দাবীগুলির যথাযথ ব্যবস্থা গ্রহণের আশ্বাস দেন এবং পোলেরহাটি থেকে বাওয়ালহাটি পর্যন্ত ২১ কোটি টাকা ব্যয়ে নতুন রাস্তা নির্মান, ঢিনা স্বাস্থ্যকেন্দ্রের উন্নীতকরণ, স্থানীয় সহস্যাধিক আবেদনকারী যুবকদের সরকারী খরচে চাকুরিমুখী ও দক্ষতা বৃদ্ধির ৬০-১২০ দিনের আবাসিক প্রশিক্ষণ, যথা, ড্রাইভিং, ইলেক্ট্রিসিয়ানের কাজ, মোবাইল ফোন/টিভি/এ.সি. মেরামতির কাজ, হোটেল/হাসপাতাল পরিষেবা, হাঁস মুরগী পালন, উদ্যান পালন, কম্পিউটার প্রশিক্ষণ, ইত্যাদি, স্বনিযুক্তি কাজে অগ্রাধিকারের ভিত্তিতে প্রশিক্ষিত হিচুক আবেদনকারীদের সরকারী ধূগ প্রদানের আশ্বাস দেন এবং বিগত দুইমাস

ব্যাপি চালু থাকা সমস্ত বিশেস সরকারী উদ্যোগের খতিয়ান প্রেরণ করেন।

#### ঙ) সাব-স্টেশনের সংলগ্ন এলাকায় বসবাস ও অপরাপর কার্য্যাবলী

গ্রামবাসীদের প্রশ্নের উত্তরে পি.জি.সি.আই.এল. এর পক্ষ থেকে জানানো হয় যে, সাব-স্টেশন সংলগ্ন এলাকায় বসবাস ক্ষতিকর নয়, এবং তাদের কর্মচারীরা ও সাব-স্টেশন বাড়িভারির মধ্যে কোয়ার্টারে বসবাস করবেন।

বিপর্যয় ব্যবস্থাপনা, অগ্নি নির্বাপন ব্যবস্থাপনা, সামাজিক প্রভাব ও পরিবেশ প্রভাব মূল্যায়ন সংক্রান্ত নথি সভায় প্রেরণ করা হয় এবং জেলা শাসক জানান যে ইচ্ছুক ব্যক্তিরা তাঁর দপ্তরে বা পি.জি.সি.আই.এল. এর দপ্তরে গিয়ে তা দেখতে পারেন।

ক্ষতিপূরণের পদ্ধতি ও পরিমান বিষয়ে মতের যে তারতম্য রয়েছে সে বিষয়ে উওয় তরফে আলাপ আলোচনার মাধ্যমে আগামী দুই দিনে একমতে উপনীত হওয়ার উদ্যোগ গ্রহণ করবেন। আগামী ১১/০৮/২০১৮ তারিখে দুপুর ১২.৩০ ঘটিকায় আরেকটি বৈঠক এটি চূড়ান্ত করা হবে এবং পরিমার্জিত পরিকল্পনা অনুযায়ী কাজ শুরুর দিনপঞ্জী স্থির হবে।

উপস্থিতি স্বাইকে ধন্যবাদ জ্ঞাপন করে সভার কাজ সমাপ্ত হল।



ঃ/স্ট্ৰি. রঞ্জিত ঠাকুৰ

জেলা শাসক,

দক্ষিণ ২৪ পৰগণা

District Magistrate,  
South 24-Parganas